



Služba za reviziju finansijskog poslovanja

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O REVIZIJI FINANSIJSKIH IZVJEŠTAJA ZA 2004., 2005. I 2006. GODINU HRVATSKOG KRŠĆANSKOG DOMOVINSKOG PREPORODA

Broj: 09-07-6-1382/07

Sarajevo, 29.11. 2007. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije	5
Obim revizije	5
4. PRETHODNE REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

- 1.1. Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju godišnjih finansijskih izvještaja Hrvatskog kršćanskog domovinskog preporoda za 2004., 2005. i 2006. godinu.
- 1.2. Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola. Naša odgovornost je da izrazimo mišljenje na osnovu revizije koju smo izvršili.
- 1.3. Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.
- 1.4. Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja, usaglašenost sa Zakonom o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Hrvatski kršćanski domovinski preporod u izvještajnom periodu nije postupio u skladu sa odredbama člana 8. stav 1., člana 11. stav 3. i člana 20. Zakona o finansiranju političkih stranaka. Takođe stranka je u 2004. godini prekršila odredbe člana 11. stav 2. Zakona o finansiranju političkih stranaka i odredbe člana 15.1. stav 1. Izbornog zakona BiH.

Prema našem mišljenju, osim navedenog, na bazi revidiranih finansijskih izvještaja u periodu od 2004. do 2006. godine nisu utvrđena druga kršenja Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH je izvršila reviziju godišnjih finansijskih izvještaja Hrvatskog kršćanskog domovinskog preporoda za 2004., 2005. i 2006. godinu.

Revizija je preduzeta u skladu sa članom 14. stav 1. Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

U sljedećoj tabeli su dati podaci o ukupnim prihodima koje je Hrvatski kršćanski domovinski preporod iskazao u godišnjim finansijskim izvještajima za 2004., 2005. i 2006. godinu.

Red. br.	Vrsta prihoda	2004. godina		2005. godina		2006. godina	
		Iznos u KM	Učešće u uk.prih. %	Iznos u KM	Učešće u uk.prih. %	Iznos u KM	Učešće u uk.prih. %
1	Članarina	0,00	0,00%	0,00	0,00%	0,00	0,00%
2	Prilozi fizičkih lica	500,00	10,62%	0,00	0,00%	0,00	0,00%
3	Prilozi pravnih lica	0,00	0,00%	0,00	0,00%	0,00	0,00%
4	Prihodi od imovine	0,00	0,00%	0,00	0,00%	0,00	0,00%
5	Prihodi od pr.lica	0,00	0,00%	0,00	0,00%	0,00	0,00%
6	Prihodi od poklona	0,00	0,00%	0,00	0,00%	0,00	0,00%
7	Prihodi iz budžeta	4.207,34	89,38%	4.985,03	100,00%	4.710,90	100,00%
8	Ostali prihodi	0,00	0,00%	0,00	0,00%	0,00	0,00%
	Ukupni prihodi:	4.707,34	100,00%	4.985,03	100,00%	4.710,90	100,00%

Hrvatski kršćanski domovinski preporod je u finansijskim izvještajima iskazao ukupne rashode:

Godišnji FI 2004	10.772,67
Godišnji FI 2005	930,68
Godišnji FI 2006	2.013,11

2. PREDSTAVLJANJE POLITIČKE STRANKE

Naziv političke stranke: Hrvatski kršćanski domovinski preporod. Skraćeni naziv stranke je HKDP. Politička stranka je registrovana 24.09.1997. godine u Županijskom sudu u Širokom Brijegu, broj upisa R 13/97.

Sjedište političke stranke je u Ljubuškom, ulica Zrinskofrankopanska bb.

Lice ovlašteno za zastupanje stranke: Ante Paponja, predsjednik.

Lice ovlašteno za podnošenje finansijskih izvještaja je Dane Herceg.

Prema podacima iz finansijskih izvještaja stranka nema druge organizacione dijelove.

3. OPIS REVIZIJE

Predmet revizije su godišnji finansijski izvještaji HKDP za 2004., 2005. i 2006. godinu.

Cilj revizije je da revizoru omogući da izrazi mišljenje o tome da li je Hrvatski kršćanski domovinski preporod u izvještajnom periodu postupao u skladu sa odredbama Zakona o finansiranju političkih stranaka i poglavlja 15. Izbornog zakona BiH.

Obim revizije finansijskih izvještaja Hrvatskog kršćanskog domovinskog preporoda obuhvata utvrđivanje usklađenosti finansijskih transakcija političke stranke sa odredbama zakona, odnosno usklađenosti izvora finansiranja političke stranke sa odredbama Zakona o finansiranju političkih stranaka i trošenja sredstava u vrijeme izborne kampanje u skladu sa odredbama člana 15.10 Izbornog zakona BiH.

4. PRETHODNE REVIZIJE

Revizija finansijskih izvještaja Hrvatskog kršćanskog domovinskog preporoda se obavlja prvi put.

5. NALAZI I PREPORUKE

5.1. NALAZI

- a) **Na osnovu obavljene revizije finansijskih izvještaja utvrđeno je da je stranka prekršila odredbe člana 8. stav 1. Zakona o finansiranju političkih stranaka.**¹

Hrvatski kršćanski domovinski preporod koristi prostorije Opštine Ljubuški bez naknade, čime su prekršene odredbe člana 8. stav 1. Zakona o finansiranju političkih stranaka. Naime, stranka ne plaća zakupninu niti ima sklopljen ugovor o zakupu za korištenje poslovnih prostorija. Za potrebe revizije stranka je dala izjavu u kojoj je navedeno da bez naknade, uz saglasnost opštine Ljubuški, koristi prostorije u ul. Zrinskofrankopanska bb u Ljubuškom.

- b) **Politička stranka nije postupala u skladu sa odredbama člana 11. stav 2. Zakona o finansiranju političkih stranaka i člana 15.1 stav 1. Izbornog zakona BiH.**²

Stranka nije dostavila postizborni finansijski izvještaj – Izbori 2004. čime su prekršene odredbe člana 11. stav 2. Zakona o finansiranju političkih stranaka i člana 15.1 stav 1. Izbornog zakona BiH.

- c) **Politička stranka je postupala suprotno odredbama člana 11. stav 3. Zakona o finansiranju političkih stranaka.**³

Hrvatski kršćanski domovinski preporod je godišnje finansijske izvještaje za 2004., 2005. i 2006. godinu dostavio 02.08.2007. godine, što nije u skladu sa odredbama člana 11. stav 3. Zakona o finansiranju političkih stranaka.

¹ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke partije.

² Član 11. stav 2. „Politička stranka podnosi poseban finansijski izvještaj za period izborne propagande na način kako je utvrđeno Izbornim zakonom BiH“. Član 15.1. stav 1. „, u roku od 30 dana od dana objavljivanja izbornih rezultata od Izborne komisije BiH, podnosi se i finansijski izvještaj za period od dana podnošenja prijave za ovjeru do dana ovjere rezultata izbora“

³ Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje do 31.03. naredne godine u formi koju je odobrila Centralna izborna komisija BiH.

Stranka finansijske izvještaje nije popunila u skladu sa Pravilnikom o godišnjim finansijskim izvještajima političkih stranaka, kako slijedi:

- Na obrascima finansijskog izvještaja za 2005. godinu nije iskazan promet deviznog računa putem kojeg je izvršeno plaćanje računa dobavljaču u inostranstvu. Uvidom u izvod deviznog računa (izvod br. 1) utvrđeno je da je obavljena jedna transakcija, te da je u finansijskom izvještaju za 2005. godinu iskazan trošak u istom iznosu.
- U godišnjem finansijskom izvještaju za 2005. godinu na obrascu prihoda iz budžeta pogrešno su iskazana sredstva u iznosu od 1.000,00 KM uplaćena sa računa Ministarstva finansija i trezora BiH, a odnose se na povrat takse za ovjeru političke stranke za Izbore 2004. godine.
- Na obrascima finansijskih izvještaja za 2004, 2005. i 2006. godinu prihodi od kamata su iskazani na obrascima prihoda iz budžeta.

d) Hrvatski kršćanski domovinski preporod nije postupio u skladu sa odredbama člana 20. Zakona o finansiranju političkih stranaka.

Stranka nije dostavila podatke o svojoj imovine, a što je bila obavezna u skladu sa odredbama člana 20. Zakona o finansiranju političkih stranaka.

Centralna izborna komisija BiH je Odlukom broj: 01-07-6-1556/05 od 13.06.2005. godine Hrvatskom kršćanskom domovinskom preporodu izrekla novčanu kaznu u iznosu od 3.000,00 KM zbog kršenja odredbi člana 15.1 stav 1. Izbornog zakona BiH, člana 11. stav 1. i 2. i člana 20. Zakona o finansiranju političkih stranaka, tj. HKDP nije dostavio godišnji finansijski izvještaj za 2004. godinu, postizborni finansijski izvještaj - Izbori 2004. i podatke o svojoj imovini.⁴

Troškovi predizborne kampanje - Opštinski izbori 2004. godine

Prema odredbama člana 15.10 Izbornog zakona BiH politička stranka ne smije za potrebe izborne kampanje potrošiti više od jedne (1) KM po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH Hrvatski kršćanski domovinski preporod je mogao da potroši 36.857,00 KM.

Služba za reviziju je u toku obavljanja revizije godišnjeg finansijskog izvještaja za 2004. godinu utvrdila da je Hrvatski kršćanski domovinski preporod postupio u skladu sa odredbama člana 15.10 Izbornog zakona BiH, odnosno u svrhu izborne kampanje je potrošio 3.900,00 KM.

Na osnovu obavljene revizije finansijskih izvještaja utvrđeno je da se, osim navedenog, HKDP finansirao u skladu sa odredbama Zakona o finansiranju političkih stranaka.

5.2. P R E P O R U K E :

Na osnovu uočenih nedostataka preporučuje se Hrvatskom kršćanskom domovinskom preporodu:

- *da postupa u skladu sa odredbama člana 15.1 stav 1. Izbornog zakona BiH, člana 8. stav 1., člana 11. stav 2. i 3. i člana 20. Zakona o finansiranju političkih stranaka, odnosno da finansijske izvještaje dostavlja u roku i na način koji je utvrđen Izbornim zakonom BiH i Zakonom o finansiranju političkih stranaka;*

⁴ Kako stranka nije u ostavljenom roku platila kaznu, naplata kazne je izvršena prinudnim putem, preko Suda BiH (Rješenje br. I: 92/06 od 19.03.2007.)

- *da definiše postupke i procedure internih kontrola vezanih za proces trošenja finansijskih sredstava;*⁵
- *da ustroji upravljanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge (nalog uplate i nalog isplate; dokumenta na osnovu kojih se vrše isplate putem blagajne). Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma;*⁶
- *da vodi obavezne računovodstvene evidencije i postupa u skladu sa pozitivnim propisima.*⁷

KOMENTAR:

U ostavljenom roku, Hrvatski kršćanski domovinski preporod se nije očitovao na Preliminarni izvještaj o reviziji godišnjih finansijskih izvještaja za 2004., 2005. i 2006. godinu.

Ističemo da smo tokom obavljanja revizije imali dobru i korektnu saradnju sa predsjednikom i osobom ovlaštenom za finansijske izvještaje Hrvatskog kršćanskog demokratskog preporoda.

Hasida Gušić, šef Službe

Sanja Čabrilo, revizor

Željko Bakalar, pomoćnik revizora

⁵ HKDP u svojoj evidencije ne posjeduje račune za telefonske usluge, niti račun na osnovu koga je izvršeno plaćanje putem deviznog računa. Nakladi Vukman.

⁶ Blagajnički izvještaji HKDP su sačinjeni na mjesečnom nivou.

⁷ Prilikom obavljanja revizije utvrđeno je da stranka ne vodi poslovne knjige niti podnosi godišnji obračun nadležnim organima.